

ნახ. მ. აბაშიძისა



კვირის განხილვა

იუმორისა

ამ თამაშს ჭკვიანს ყანასთან არაფერი ესაქმება. „ჭკვიანს ყანა“, სათაურად რომ სხვა ვერაფერი მოვიგონე, ამერიკელი მწერლის ჯერომ სელინჯერის რომანიდან ვისესქე, და თანაც, თავი ორი რამით გავიმხნევე: ჯერ ერთი თვითონ სელინჯერმა რობერტ ბერნსის ლექსიდან ისესხა, მეორეც, სათაური, მით უფრო იუმორისა, დაიხაზა ორანზორიანი უნდა იყოს.

გარშემო ყველაფერი თვალსა და ხელს შუა იცვლება: დამწყები პოეტი ლოვარდ ბურჯანაძე „ანტისაბჭოურ“ ლექსებს წერს, და იოტისოდენა შიშით აღარ ეტყობა, ისე უყითხავს მისი გამოცდილი მოხიბლულ ქალიშვილებს. პროფკავშირის კრებაზე გამოსული ყუყუნა ზუკაკიშვილი ხმაძალდა იძლევა პირობას, რომ, თუ გათხოვდება მოუნია, ხუთ შვილს შემატებს სამშობლოს. სამოცდაათი წლის გოგუცა ნაკაშიძე კოლონიალისტის გახსნას აპირებს და სოკოს ღვეხლებით გამასპინძლებას გვპირდება, რომელიც არცთუ ძვირი დაგვიჯდება — თითო ღვეხელი მანეთი და ოცი კაპიო... ბიბლიოთეკარი ლარისა გენაძე დილიდან საღამომდე სტალისს ლანძღავს და „ოგონიოკს“ მარტო იმას აკითხებს, ვინც თანამოაზრედ მიაჩნია. პენსიონერმა დომენტი ტუშურმა სტალისის სურათი სოლოლაკელ ფოტოგრაფს გაადიდებინა და თავისი მაგიდის პირდაპირ ჩამოჰკიდა. მთარგმნელმა როზეტა ხუჭუამ თავის პირად ცხოვრებას რკინის ფარდა ჩამოაფარა, რადგან უკვე მის გასაგონადაც ლაპარაკობენ — მორალური სინამდისათვის ბრძოლა რომ გამოვიხადდეს, როზეტა პირველი გაებმება მახეშიო. ოთხჯერ გათხოვილი მეტი ყუფარაძე ოჯახის სიმტკიცეზე კითხულობს ლექსებს. ქრთამისათვის ნაჯდომი კუკური შურღიაა მექრთამეობას ებრძვის. უნიჭო პროფესორი ყარამან ყოჩიაშვილი დაბეჯის თებით ამტკიცებს, რომ ყველა დისერტაცია, გარდა ერთისა, ანტიმეცნიერულია და გადახედვას საჭიროებს, იმ ერთში კი, ცხადია, საკუთარს გულისხმობს. კრიტიკოსი გიორგი უკუავა, რომლის წიგნებისაც მოიტანა სული ჩვენამდე „სოციალისტურმა რეალიზმმა“, დღეს ამ ერთადერთი სწორი შემოქმედებითი მეთოდის წინააღმდეგ ილაშქრებს. ტექნიკური განყოფილების ინსპექტორი ვალია ნიყარაძე ტერორს აწყობს იმის მუქარით, რომ თუ არჩვენებამდე ბინას არ მიიღებს, ყველა თავის დაქალს დირექციის წინააღმდეგ დარაზმავს. გიორგი ნებეირიძე სულ გაგიჟდა და მართალი მარტო ის ჰგონია, რასაც თვითონ ამბობს. მეგარდერო დედა სუსხანა ხმაძალდა აცხადებს, რომ გარდაქმნას ვერ იწამებს, ვიდრე მაკვიარში ხორცი არ ექნება. თენგიზ მახარაძემ უფრო „ამერიკა“ უფრო გააძვირა და უკვე არაღებულურად კი არა, აშკარად ყიდის. ყოლა კაკაურიძემ სამჯერ ჩაადგომ მონყალების ფონდის ყულაბაში ფული და ბრაზობს, რომ უმადურმა პრესამ ერთხელაც არ აღნიშნა.

მაგრამ დემოკრატიის ჭკმარობა ზეიმად მაინც ჩვენს დაწესებულებაში გამართული დირექტორის არჩევნები გადაიქცა. ერთი თვის მანძილზე მხოლოდ მომავალი არჩევნებით ვცხოვრობდით, მასზე ვლაპარაკობდით, მის გამო ვმეგობრდებოდით და მის გამო სამუდამოდ ვკარგავდით ერთმანეთს.

ჩვენი კოლექტივი დიდია, ერთმანეთს კარგადაც კი არ ვიცნობთ და თვით დირექციამაც არ იცის ვინ რას აკეთებს. ვიცით, რომ თანამედროვეობის დიდმნიშვნელოვანი პრობლემებს ვიკვლევთ, მაგრამ მაინც რას წარმოადგენს ეს პრობლემები და როგორ წაადგება ჩვენი თუ არა, ჩვენი შვილების ცხოვრებას მაინც, ვერავინ აგისხნით. კაცმა რომ თქვას, როგორც ყველგან, ისეა აქაც... კოლექტივში ძირითადად ქალები ჭარბობენ — ის მავანის ცოლია, ის კი მავანის რძალი. და კიდევ არის რამდენიმე შტრიხი, რომელთა უცოდინარობაც ჩვენს სოლიდურ დაწესებულებაში არავის ეპატიება. ვიცით, რომ დედა ფაცია გაკეთებულ ნიგვზიან ბადრიჯანს არაფერი შეედრება, ლოლა ფარცვანია საუცხოო ტორტებს აცხობს, თინა კოკოჩაშვილი აყავით არის განთქმული და მკითხაობს კიდევ... ერთი სიტყვით, ცნობილ მანდილოსანთა დახასიათება კულინარიის ფარგლებს იშვიათად სცილდება... თუმცა არის გამონაკლისები: მაგალითად, ყანა... რიტა... და თვით ლიკაც კი... თურმე...

აი, ყველაფერი, რაც ჩვენი, თუ არ ვცდები, ორასკაციანი კო-

ლექტივის შესახებ უნდა იცოდეთ. მეტის ცოდნა არც არის საჭირო და არც ამ იუმორისკის ფარგლებში ჩაეტევა.

არჩევნებისათვის რომ სოლიდური სახე მიგვეცა, დარბაზის კარი აუცილებლად ჩაექტილი უნდა ყოფილიყო. კარი კი არაფრით არ იქებებოდა, პირიქით, ლაყლაყებდა და თითქოს გვემუქრებოდა. ძველი დირექტორი სამნეო ნანილის გამგეს გაუბრაზდა, ხუთი წელია ამ კარზე გელაპარაკები და ვერ გაამაგრე, შენ რა კაცი ხარო. სამნეო ნანილის გამგე სადაც გაიქცა, ლურსმანი და ჩაქუჩი მოიტანა და ის იყო კარი უნდა მიეღურსმა, რომ პირველი რიგიდან ნივილ-კვილით წამოხტა უფროსი მეცნიერ-მუშაკი აგრაფინა დალაქიშვილი, — ხომ არ გაგიჟდითო, უცებ რომ „პაფარი“ მოხდეს, სად მიდიხართ, ლურსმანს ვეჯჯგუროთ და გამოვიხრუკოთო? კარმაც თითქოს აგრაფინა დალაქიშვილს დაუჭირა მხარი, ლურსმანი ხერხელში არ ჩერდებოდა და ისევე ჭრიალით იღებოდა, თითქოს გარედან კილაცა აწვებათ.

თურმე არც უამისობა იყო. მაგრამ ამას დაწვრილებით შეიტყობთ მერე, როცა ისეთი ამბები დატრიალდება, რასაც ჩვენი კრების რეგლამენტი წინასწარ ვერაფრით ვერ გაითვალისწინებდა.

დარბაზში თავდაპირველად სულგანაბლები ვისხედით. თუმცა, ვინც კარგად გვიცნობდა, თვალის ერთი გადავლებითაც მიხვდებოდა, რომ კოლექტივი ჯგუფებად დაყოფილიყო და ამ ჯგუფებს ერთმანეთისაგან მტკიცე სადემარკაციო ხაზი ყოფდა. მაგრამ იყვნენ მოსყიდული „ნეიტრალიები“, რომლებიც ჯგუფებს შორის კეთილი ღმილით დადიოდნენ, „საზოგადოებრივი აზრს“ სწავლობდნენ, ერთ ჯგუფის აშავი მეორე ჯგუფთან მიჰქონდათ და ბოლოს პრეზიდენტშიც, რომელიც უკვე ნელ-ნელა, საკუთარი ღირსების მთელი შეგნებით იკავებდა სააქტო დარბაზის დიდ სცენას.

სწორედ ამით დაიწყო ყველაფერი. ის იყო პრეზიდენტის დალაგდა, რომ წინა რიგებიდან ხუთი შვილის მამა ბუხუტი ზარდიაშვილი წამოიჭრა და დაიძახა: პრეზიდენტი ჯერ არ ავირჩევია და ამ ხალხს სცენაზე რა უნდაო? ეს წამოძახება პრეზიდენტში ხუმრობა ეგონათ და ბუხუტი ზარდიაშვილს ღმილით გადმოსცქეროდნენ. დარბაზი უკვე თუხთუხებდა. ბუხუტი ზარდიაშვილი თავისაზე იდგა და ხალხს მოუწოდებდა, დევიძრათ და პრეზიდენტში მტურმით ავილითო. ამ მოწოდებას ჯერ მთარგმნელი როზეტა ხუჭუამ მიჰყვა, მერე ქსენია დევიძე, მერე პოეტი ლოვარდ ბურჯანაძე და ის იყო, მთელი დარბაზი წამოიშალა, რათა პრეზიდენტისაკენ გაჭრილიყო, რომ ისევე წამოხტა კვილით გოგუცა ნაკაშიძე და ხალხს გაახსენა, რომ ეს სცენა, რომელიც ნახევარი საუკუნის წინათ აიგო, შეიძლება ადვილად ჩანგრეულიყო და ცოცხალი დატრიალებულიყო.

კრების თავმჯდომარე, ანუ ჩვენი დირექტორი, ღვთის წინაშე არ იყო უნიჭო კაცი. სიტუაციას ერთბაშად აულო აულო და მიხვდა, რომ ამ აღგზნებული აუდიტორიის წინაშე, თუ წამდვილი დემოკრატია არ იქნებოდა, დემოკრატია მაინც უნდა გათამაშებულიყო და აუდიტორიას მოგვემართა, რაღა ბევრი გავაგრძელოთ, ყველამ იცით რისთვისაც შევიკრიბეთ, მე ვიქნები თუ სხვა, ბარემ ავირჩიოთ ეს ახალი დირექტორი და დავიშალოთ, ისედაც დღის ბოლოა და დალილები ვართო.

მაგრამ, თურმე, კაცი ბჭობდა და ღმერთი იცინოდა.

დაძაბულ სიჩუმეში კარმა ფრთხილად დაიჭრია და ღრმ-ჭოში მღელვარებისაგან განითლებული ცხვირი გამოჩნდა.

ცხვირმა იგრძნო დამინახესო და როგორც გამოჩნდა, ისევე გაუჩინარდა. მერე, თითქოს მინა იძრაო, კარი ერთბაშად თავზე გადმოგვეშო და დამლაგებელი დეიდა ყენია, თავისი გაცვეთილი ცოცხითა და ჭუჭყიანი ვედროთი, იატაკზე გაიშალა. ვინც კი კრებაზე უკითხი იყო, ყველა ერთნაირად წამოვარდა და დეიდა ყენიას ეცა. დეიდა ყენიას ცხვირი ისევე მთელი ჰქონდა და კრების თავმჯდომარემ მარტო ესა წაილულულა:

— მონახეთ რაღა, საგორაო ადგილი.

მაგრამ დეიდა ყენიას შესაცოდი რა სჭირდა? ერთბაშად თითი ზემოთ ასწია და იქუსა: ვიცი, კრებზე რატომაც არ მომიწევით, დამოკლებულს ადამიანად არა თვლით! მაგრამ წავიდა თქვენი დრო, ახლა ყველაფერს მასები ვწვევტო... ამის თქმაზე ჭუჭყიანი ვედრო ოთახის შუაგულში დაამხო, ზედ ჩამოჯდა და გაცვეთილი ცოცხივ იეს საეჭვოდ მოიმარჯვა, კრების მონაწილეებმა სული გაანახეს.

თითქოს ამ ნიშანს ელოდაო, კარებთან ერთბაშად ჩოჩქოლი გაისმა და ალგზუნებული საზოგადოება შემოიჭრა. ეს ყენია დეიდას მხარდამჭერი კომიტეტი იყო. და ამის გამო, ეტყობა, დადგა დრო დეიდა ყენიას ბიოგრაფია ცოტა უფრო დანვრილებით გაგაცნოთ:

დეიდა ყენია დაიბადა 19... წლის აგვისტოში, სოფელ სას-ნოკაში. განათლება — საშუალოდაუმთავრებელი. 19... წელს პიდროლექტროსადგურის მშენებლობაზე ჩამოვიდა და იმდენად მოხიბლა ჩვენმა ზურმუხტმა მთებმა, რომ აქედან ფეხი აღარ მოუცვლია. მთელი თავისი შეგნებული ცხოვრება პატიოსნად გაატარა. მყავდა ლოთი ქმარი ფილიპ ლუკინი, რომელიც ცოლს ყოველი დათრობის შემდეგ სცემდა, თრობით კი ყოველდღე თვრებოდა და დეიდა ყენია იძულებული გახდა გაპყროდა. მეორე ქმარი ლოვა კოსტინენკოც ლოთი გამოდგა, განსხვავება მხოლოდ ის იყო, რომ ლოვას ახლა თვითონ დეიდა ყენია სცემდა ცოცხით და ამ საქმეში თავის ცამეტი წლის ქალიშვილს სვეტლანასაც იშველიებდა. ბოლოს ლოვამ თქვენი ჭირი წაიღო და დეიდა ყენიას სასახლოდ უნდა ითქვას, რომ ამის შემდეგ მის ცხოვრებაში კაცის სახსენებელი გაქრა.

სვეტა (ასე ეძახდნენ შინაურობაში) გაგრაში გაცნობილ ვი-ლაც მებლავურს გააყვია და სხვებს კი არა, თვითონაც დაავინყდა, რომ დეიდა ყენიას შვილი იყო.

საქმეში უაღრესად კეთილსინდისიერი დეიდა ყენია ოც წელზე მეტია ჩვენს დანესეულეებაში მუშაობს. აქვს ჯილდოები — სიგელი და მედალი კავკასიის დაცვისათვის, თუმცა ფრონტზე არასოდეს ყოფილა და, ცხადია, არც კავკასია დაუტყავს. ამ მედალს დეიდა ყენია საზეიმო მუხედრებზე და პარადებზე იკეთებს, განსაკუთრებით კი მაშინ, როცა საჩივრულად მიდის, რადგან ომის ვეტერანთა მალაზიამ აღრიცხვაზე არა და არ აიყვანეს, რის გამოც ყოველთვის კარგავს ერთ კილო გაყინულ ხორცს, ნახევარ კილო ყველს („ბრინჯას“), ორას ორმოცდაათ გრამ ნიწიბურას და შედარებულ რძეს, ხოლო საბჭოთა არმიის დღისათვის — ერთ ბოთლ პოლონურ ლუდს.

აი ყველაფერი, რაც ამ პერსონაჟის შესახებ უნდა ვიცოდეთ, მაგრამ აქვე დავსძინოთ, რომ ყოველი უბრალო პერსონაჟის ცხოვრებაში დგება დრო, როცა რაღაც მნიშვნელოვანი აუცი-ლებლად უნდა მოხდეს და ისტორიამაც გმირად გაქცის.

ამგვარი იყო დეიდა ყენიას ცხოვრებაში 19... წლის სექტემბერი, უფრო ზუსტად კი ის ნუთები, როცა იგი გად-მომხობილი კარის წინ გაიშლართა, ცოტა ხნის მერე კი დარბაზში მისი მხარდამჭერი კომიტეტი შემოიჭრა.

კომიტეტში შედიოდნენ დეიდა ყენიას მეზობლები: სოკრატა ჩახოიანიც, კოლია ვაშაგაშვილი, პაჭოკ მანწკავა, ტუხო შაქი-აშვილი, მამედ ჩალოევი და კიდევ ორიოდე მოსუცი და ჭაბუ-კი, რომელთა ვინაობაც, დიდი ხნის მერე, მილიციამაც ვერ დაადგინა. როცა „კომიტეტის“ წევრები სკამებზე მდიდრულად მოკალათდნენ, დირექტორმა ხალხს ერთხელაც გაახსენა, რომ დამდგარიყო დრო არჩევნების დანყებისა, რაც, კაცმა რომ თქვას, აქამდეც უნდა დანყებულიყო.

ამის თქმა იყო და მთელი დარბაზი წამოიშალა. ვინ ვის გვარს გაიძახოდა, ეშმაკიც ვერ გაიგებდა, ნივილ-კვიციანი თავმჯდომარის ყურამდე არაფერი აღწევდა. ვინც უფრო ჯან-ზე იყო, სცენისაკენ გარბოდა, აქაოდა, ჩემი კანდიდატურა გა-ვიყვანო. პენსიონერ ვარლამ კავსაძეს გული ნაუფიდა. ნიკუშა ტყემალაძე სცენაზე ავარდნას ლამობდა. მეხანძრე ავთო კრანაშვილი დირექტორს გასძახოდა, როგორ მოვიქცეო. კოლია ვეშაძემ სცენისაკენ გაიჭრა — თავმჯდომარე უნდა გავლა-ნოო. ტატა არველაძე კიოდა — ყველა სიტყვა ოქმში შეიტანეთ, თორემ გადაგნავთო. ვარლამ კახიანი სკამზე შედგა — იქნებ ვინმეს ხმა მივანვდინოო, ჯიმშერ თურმანიძეს ათი კაცი იჭერ-და — არ გინდა, ნუ იზამო, მაგრამ რა უნდა ექნა თურმანი-ძეს, ვერაინ მიხვდა. უჩა თვალჭრელიძემ სკამს დასტაცა ხე-ლი და რატომღაც გარეთ გაიქცა. ყველაზე საოცარი კი ის იყო, რომ ამ რია-რიაში დაბეჭტიკმა ტრიფონ მელაშვილმა ჯიბიდან ყველი და პური ამოიღო და მშვიდად დაინყო ჭამა. გოგუც კრანაშვილი ტრიფონ მელაშვილისაკენ გამოენთო, ბუტერბრო-დი ხელიდან გამოსტაცა და გადაუგდო. ტრიფონ მელაშვილმა, თითქოს არაფერიც არ მოხდაო, მეორე ბუტერბროდი ამოიღო და მშვიდად განაგრძო ჭამა.

რა დააშოშინებს ამ აქაფებულ დარბაზსო, გაიფიქრა დირექტორმა და ბულალტერ შუქია ქარელიშვილს რაღაც ანიშნა. ბულალტერმა დარბაზი გადარიბინა, სცენაზე აიჭრა და რამ-პის შუქით გაბრწყინებულმა გადმოიძახა:

— ხვალ კვარტალური პრემიები დარიგდება!

დარბაზში ერთი წამით მძაფრი სიჩუმე ჩამოგდა. წამის მერე მქუხარე, ხანგრძლივი ტაში გაისმა, რომელიც ოვაციაში გადაიზარდა.

კანდიდატა დასახელება იმგვარ ექსტაზში შესულიყო, როცა სული მოვიტყვით, მივხვდით, რომ უკლებლივ ყველანი დასახე-ლებულინი ვიყავით. მაგრამ, გაუთვალისწინებელი რა? რომ არ გამოტყვრს არ შეიძლება, ეტყობა მაინც ვილაცა გამოგვრდა და ამის გამო იყო, რომ ცულობტმა აზრმა კატასავით — გადა-იარა დარბაზი.

უცებ კოტე ცირეკიძე წამოხტა და სიტყვა ითხოვა. ახლა ეს სულ ჩაგვიშლის ყველაფერსო, გაიფიქრა დირექტორმა და თავი ისე დაიჭრა, თითქოს ვერაფერი გაიგო. კოტე ცირეკიძე ანკე-დობტებით იყო ცნობილი, დარბაზმა იუმორის სუნი ერთბაშად იყინა და ასევე ერთბაშად დაიძახა, მიეცით სიტყვა ჩვენს ძვირფას კოტესო.

ეს იყო და სიჩუმეც ჩამოგდა. ამ სიჩუმეში ჩაიფრუტუნა კოტე ცირეკიძემ ის, რასაც მართ-ლა არავინ ელოდა:

დირექტორობის კანდიდატად დეიდა ყენია დასახელა, რო-მელიც ისევ თავის სანაგვე ვედროზე იჯდა, გაცვეთილი ცოც-ხი გვერდით ედო და არხეინად მიირთმევედა მზესუმზირას.

დარბაზი ერთხმად ახარხარდა და ერთხმად დასცხო ტაში.

ღვთის წინაშე ვილაცამ კი დაიძახა, ეს უკვე მეტისმეტიაო, მაგრამ, კაცმა რომ თქვას, რა სხვებზე ნაკლები იყო დეიდა ყენია. ის რომ არ ყოფილიყო, მთელი ამოდენა დანესებულება ნაგავში ჩაიხრჩობოდა.

დეიდა ყენია მაინც ვერაფერს მიხვდა და მზესუმზირას ამო-სალებად ისევ ჯიბეში მოიფათურა ხელი.

დარბაზს ეჭვი მოედო. ყველა მიხვდა, რომ ვერც ერთი კან-დიდატის საქმე ვერ იყო კარგად... ამოდენა ხალხში ერთი კა-ცი ვერ მოიძებნებოდა, ვინმეზე რომ არა ყოფილიყო ნაწყენი. გამარჯვების ყველაზე მეტი შანსი დეიდა ყენიას ჰქონდა, ყო-ველმხრივ სუფთა იყო, სუფთად ჰგვიდა ოთახებს და სახზე მუდამ კეთილი ღმილი ეფინა. აი, მაგალითად, ვახო ბუზი-აშვილი, — ხელის ქორს ეძახდნენ, — სადღესასწაულო დღე-ებში კოლექტივის პოლონური ჯემებით, ჩეხური ლუდით და ბულგარული „პიკულით“ ამარაგებდა, მაგრამ მთარგმნელ რო-ზეტა ხუჭუას სწორედ ახლა გაახსენდა, რომ ვახომ შარშანწინ შვიდი ქილა ჯემის ნაცვლად სამი მისცა. ბუხუტი ზარდიაშ-ვილს თვითონ უნდოდა დირექტორობა და, ცხადია, საკუთარი თავის გარდა ხმას არავის მისცემდა. ქსენია დევიძეს ძაღლის ნაკბენივით ახსოვდა, რომ ამირან ქვათაძის ნათესავმა პროფ-კავშირთა რესპუბლიკურ კომიტეტში „საცოდავი ბავშვებისათ-ვის“ საგზურები არ უშოვა. როზეტა კავსაძეს რა დაავინყებდა, რომ მამუკა ლარიბაშვილმა მისი და მარინა კი არ შეირთო, მშობლიური სოფლიდან ჩამოიყვანა საცოლე, აქაო და პატიო-სანი მაინც იქნებოა. დამწყები პოეტი ლოვარდ ბურჯანაძე მთელ თავის ლიტერატურულ უიღბლობას რატომღაც ახლან-დელ დირექტორს აბრალებდა. ყუყუნა კავთიაშვილი ბურჯანა-ძის რაიონიდან იყო და თავის ცხოვრებაში ვერ დაივიწყებდა, რა ხმები დაუყარა ჭორიკანა ბურჯანაძემ მშობლიურ სოფელ-ში. 70 წლის გოგუცა ნაკაშიძემ სწორედ ორი თვის წინ სთხო-ვა ვახტანგ ქურთიშვილს „ნოშა“. ამ უკანასკნელმა კი ვირუ-ლად შეაწყვეტინა — მე რა ავთიქარი მნახეო. ლარისა კენა-ძეს შარშან დედამთილი მოუკვდა და ლარისამ მშვენივრად დანახა, რომ განსვენებულის კუბოსათვის ვახოს ერთხელაც არ შეუშველვია ხელი, ქელეხში კი სუფრის შუაგულში წამო-ჯდა და ნვალებით ნაშოვნი „ცოცხალი“ ორიოდე ნუთში მო-ასუფთავა; თვით დირექტორი კი სამძიმარზე ერთხელაც არ მო-სულა. ხუმარა კოტე ცირეკიძემ დეიდა ყენია ხომ სწორედ



იმიტომ დაასახელა, რომ დირექტორმა, ამას წინათ, სისტემატური დაგვიანების გამო, კვარტალური პრემია არ მისცა და ამით თვითონვე მოიჭრა ის ტოტი, რომელზედაც იჯდა. და კაცმა რომ თქვას, ყველაზე უფრო ცუდად ახლანდელი დირექტორის საქმე იყო. იმათაც კი, ვისაც დირექტორი სულაც არ სძულდა, ერთი სული ჰქონდათ დაენახათ, რა ფერი დაედებოდა, როცა გაიგებდა, რომ ხმების „აბსოლუტური უმრავლესობა“ ვერ მიიღო და ამდენად თანამდებობის სკამიც რალაც წუთნახევარში დაკარგა.

ხო, მართლა ვერ იყო კარგად საქმე... ხმის დათვლის დროს ისეთი ამბავი მოხდა, რასაც ვერც ერთი ჩვენთაგანი წინასწარ ვერ წარმოიდგენდა. დიდი დავისა და ბრძოლის მერე, როგორც იყო დამთვლელი კომისია ავირჩიეთ (ნაცვლად ექვსისა ცხრაშემეტი კაცი), რომ უკანა რიგებიდან ჩვენი დანესებულების ყველაზე უფრო ცნობილმა და საპატიო პიროვნებამ სიტყვა ითხოვა, იმაზე უფრო აჩქარებული კაცის ნაბიჯებით წამოვიდა, ვიდრე დარბაისელ კაცს შეშვენოდა, კათედრაზე ავიდა, ირგვლივ მყოფთ თვალი ეჭვინანად მოატარა და სამი მაგიური სიტყვა წარმოთქვა:

— ყუთში კარგად ჩაახედეთ... დარბაზი შეჩვივდა. ერთი ხანობა ვერც კი მივხვდით რას ნიშნავდა ეს სამი სიტყვა, მაგრამ როცა პირველმა დაბნეულობამ გაიარა, ყველას ოხვრა აღმოსხდა. საქმე იმაში გახლდათ, რომ ყუთი, რომელშიც ბიულეტენები უნდა ჩაგვეშვა, საკმაოდ დიდი იყო და ერთი კაცი თავისუფლად ჩაეტეოდა, ერთ კაცს კი, მოგეხსენებათ, ჩვენს დროში რამდენი რამის გაფუჭება შეუძლია.

„ვაითუ“... გავიფიქრეთ ერთხმად და მაინც ხარხარი დავიწყეთ.

თურმე რა გვახარხარებდა... დარბაზში რამდენიმე კაცმა (ხმის დამთვლელი კომისიიდან) ის ყუთი კუბოსავით ციმციმ შემოიტანა, სახურავი ჩვენს თვალწინ ახადა და გადმოაბრუნა.

ყუთში ჭაჭანება არავინ იყო. ჩვენ დავშვიდდით და ყველაფერი იმ დარბაისელი კაცის ხუმრობად ჩავთვალეთ.

აზრად არავის მოგვევლია, რომ დარბაისელი კაცები არასოდეს ხუმრობენ და იცოცხლეთ, ამგვარი წინდაუხედაობა ძვირადღაც დაგვიჯდა.

ის იყო დაკომპონირებული, რომ ნანატრ სიჩუმეში ერთბაშად რალაცამ იფეთქა და დარბაზი წყველიაში გაეხვიდა. ყველას ანტისაბჭოური დივერსია გვეგონა და წამოვიშალეთ.

ზოგიერთები გასასვლელისკენაც კი გაიქცნენ. ერთმა მანდილოსანმა თურმე ყელიდან მარგალიტის მძივი ჩამოიწყვიტა და ჩანთაში ჩაიძო.

მაგრამ, საბედნიეროდ, ვილაცამ დაიძახა, დამშვიდდით, ქსელი გადახურდით.

ყველანი, რაკი მშვიდობიანად გადავრჩით, ჩვენ-ჩვენ ადგილებზე მოვკალათდით, მაგრამ, სიმართლე გითხრათ, მაინც არ ვიცოდით, ის შუქშენილზე მართლა შემთხვევით მოხდა თუ ვი-ღაცების ჩანყობილი დივერსია იყო, ყოველ შემთხვევაში, იმ რამდენიმე წუთს, ბიულეტენების ვეება ყუთი ყველას დაგვივინწყდა.

როცა სინათლე ისევ აინთო, თავმჯდომარე ადგა და გადმოგვიძახა, დაწყნარდით ბოლოს და ბოლოს, აქ სამ დღეს ხომ არ ვიქნებით, დაწყდა ხალხი შიმშილით, დავინწყით კენჭისყრა და მოვრჩეთ საქმეს.

მართლა შიმშილით ხომ არ ამოვწყდებოდით, დაწყნარდით, და აღარავის ეგონა, რომ ის მშვიდად დაწყებული კენჭისყრა, როცა ყველას ღირსეულად გვეჭირა თავი, როცა ნელა, რიგში ჩამდგარნი, ისე მივიწვევდით წინ, თითქოს დარბაზის ბოლოში მდგარი ჭირისუფლებისათვის სამძიმარი უნდა გვეთქვა, კვლავ რაიმე მოულოდნელი აქციით შეწყდებოდა.

ის იყო, საქმე ბოლომდე უნდა გასულიყო, რომ ერთბაშად რალაც ფშვინვა მოისმა. ფშვინვას ხროტინი მოჰყვა, ყუთი შეინძრა და თითქოს ფეხი უნდა აიდგასო, ბარბაცი დაიწყა.

საბედნიეროდ, ქალბატონმა როზამ ყველას აჯობა, ერთბაშად მოისაზრა და ბოლო რიგში მჯდარ გაღიმებულ დაცვის უფროსს — პავლიკას დაუძახა, მოხედე ამ ყუთს, რა ხდებაო.

პავლიკას შიშისაგან ერთი ძარღვიც არ ატოკებია, მაშინვე წამოიჭრა, დარბაზი გადმოიბრინა, რევოლვერის ცარიელ ბუდეზე ხელი იტაცა, ყუთთან მიიჭრა და სახურავი ახადა!

ყუთიდან თავი სამნეო ნაწილის გამგემ ოთარ ყიასაშვილმა ამოყო.

მთელი დარბაზი გაშრა. მაგრამ ეს დუმილი ორიოდ წამზე მეტს არ გაგრძელებულა.

ხალხმა ერთბაშად იჭქა.

ბიულეტენებით დათოვლილი ოთო ყუთიდან ამოხტა და კარისკენ გაიქცა.

— მომყეთ! — დაიძახა ქალბატონმა როზამ და ოთოს ფეხდაფეხ მიჰყვა.

— ბიულეტენებს მოიპარავდა! — შეჰკვივლა ნათულა ზუმბაძემ.

ბიულეტენებს თითქოს ფრთები გამოეხსათ და ცაში მტრედებივით მიფრინავდნენ.

და როცა ოთოს ჯიბეები ამოვუსუფთავეთ, რალაც მაინც მოვინაკლისეთ.

მაშინ ბოლო რიგში მჯდარმა ბრძენმა დაიძახა: — გადაყლაპული ექნება!

და ჩვენდა სამარცხვინოდ, ისე დავკარგეთ თავგზა, რომ ვილაცა სამზარეულოსაკენ გაიქცა, რათა მეზუფეტე ლიდა ივანოვნასათვის დანა წაერთმია და სასწრაფოდ მოეტანა.

რად გვიწოდოდა ის დანა, ახლაც არ ვიცი.

ის იყო, მთელი კოლექტივი ქუჩაში გავვარდებოდით, რომ ისევე პავლიკამ გვიხსნა, კარი ერთბაშად გადაკეტა და გასაღები წყნარად ჩაიდო ჯიბეში.

— აკი გითხარით, — სიჩუმეში გაისმა დარბაისელი კაცის ხმა.

ყველანი ჩუმად ვბრუნდებოდით დარბაზში და გულში ვამბობდით, რომ ჭკვიან კაცს აუცილებლად უნდა დაუჯერო.

მერე დავინწყეთ ბიულეტენების დათვლა...

თავი რომ არ შეგანწყინოთ და ისედაც გაჭიანურებული ამბავი უფრო მეტად არ გავაჭიანურო, ბარემ არჩევნების შედეგებზე მოგახსენებთ:

ყოველმა დასახელებულმა კანდიდატმა ერთი ხმა მიიღო.

ალბათ მიხვდებით, რომ ეს ხმაც ყველამ საკუთარ თავს მისცა. მაგრამ ამით სულაც არაფერი გვაკლდებოდა. მთავარი ის იყო, რომ ყველანი მხიარულად ვიყავით, დარბაზში ამაღლებული განწყობილება სუფევდა, დემოკრატიის მაცოცხლებელ სიოს ხარბად ვისუნთქავდით და ერთმანეთს პირში დავცივნიოდით.

მაშინ დეიდა შენია წამოდგა, ალტკინებულ კრებას თვალი მოავლო და „პრეზიდენტიმისაკენ“ წავიდა.

სიცილი კვლავ არ ცხრებოდა.

დეიდა შენია მათგანდაფარებულ მაგიდასთან მივიდა და ან უკვე დამჭყნარი ყვავილები გვერდზე გასწია.

ყველამ სული გაუნაბეთ. გვეგონა, მადლობას გადაუხდოდა ხელისუფლებას უბრალო ადამიანებზე ესოდენ დიდი ზრუნვისათვის.

ნაცვლად ამისა, დეიდა შენიამ ხმამალლა თქვა: — უნდა დაგავო!..

დავამთავრა იუმორესკა და რედაქციისაკენ გავაქანე, რედაქტორმა შუბლშეკრულმა წაიკითხა და ერთი ღიმილიც არ მოჰგვრია პირზე.

როცა ბოლო გვერდიც ჩაათავა, ამოიხვნეშა და თქვა: — მე თქვენგან რომანტიულ მოთხრობას ველოდი... ეს რა მოიხანეთ? ცოტა ბულგაკოვია, ცოტა — ილფი და პეტროვი... ისე, კაცმა რომ თქვას, ყვანეციც კი არ არი...

მაშინ მე რედაქტორს ხელნაწერი გამოვგლიჯე და მუქარით დავეშვი კიბეებზე.

წავედი, თავი მოვუყარე დეიდა შენიას, სოკრატა ჩახოიანცს, კოლია ვაშაგაშვილს, პაჭიო მანწკავას, ტუხო შავიშვილს, მამედა ჩოლოვეს, თავიანთ ცოლშვილიანად... დავურეკე ნანკობებს, მეგობრებს და შტურმისათვის მოვემზადეთ.

სოკრატ ჩახოიანცმა საიდანღაც ტრანსპარანტიც გამოაძვრინა და ჩვენს თვალწინ დაანერა: „გაუმარჯოს მშობელ თბილისს!“


ყველანი სახტად დადგნით! რომელიღაც ჭკვიანმა ჩახოიანცს აუხსნა, რომ ჩვენი დემონსტრაცია მიზნად მხოლოდ ერთი ნიჭიერი იუმორისტის დაცვას ისახავდა და თბილისის მოქალაქეთა მეგობრობას სულაც არ ეძღვნებოდა...

ვინ მოგისმინა? ჩახოიანცმა ტრანსპარანტი ცელივით აღმართა და წინ გაგვიძღვა.

გავა ცოტა ხანი და სწორედ ეს ტრანსპარანტი გადავგარჩენს. პრესა ოფიციალურად აცნობებს მართალ სიტყვას დაწაფებულ მკითხველებს, რომ ის დემონსტრაცია, რომელზეც „უცხოეთის ხმები“ იტყობინებოდნენ, თითქოს ჯერ კიდევ მძლავრად ფეხმოკიდებულ „ტოტალურ რეჟიმს“ უპირისპირდებოდა, სინამდვილეში სხვა არა იყო რა, თუ არა თბილისის მოქალაქეთა მეგობრობის სადიდებელი სვლა ყელიაბოვის ქუჩიდან ბაშბის ჩიხამდე, და რომ ამას ადასტურებდა ტრანსპარანტი: „გაუმარჯოს მშობელ თბილისს“.

„დასავლეთის ხმებს“ ამჯერადაც კოვზი ნაცარში ჩაუყარდათ!..

...მე კი, როგორც ხედავთ, ჩემი მაინც გავიტანე და ეს იუმორესკა გამოვაქვეყნე!



— რას არიგებენ?
— მე შგონია — იდეებს!

დავიწყებ ალბათ ხვალიდან
(ლექსსაც სჭირდება ღიეტა!)
დავდებ კალამს და, მაიდა, —
სამუშებს გადავიკეტავ!

იტყვი: „სმას განგებ ინაზებს,
თავს იკატუნებს, ფორსია!“
ხელს ნუ კრავთ ქვეშიძე აზრებს,
თავში რომ სიმწრით მომხვლია!

შეგთხოვ, მკითხველო, ბარელამ
შენდობას!.. მტკივა თითები,
იციხ გადაღლამ, დამერღვა
მიმოქცევანი რითმების.

აღარ მწვავს, აღარ ატროკდა,
ახალი დაჩნდა სამწერი,
თვალდახელშუა დამოკლდა
ჩემი სტრიქონის საუენი.

ხომ ვატყობ, უკვე მარგია,
მადა წერისა ნუმც მოვა,
ღიეტა ყველა კარგია
(ვამერთებ მაინც ნულოვანს!)

ქაღალდს გავუბრძო, დილითვე
აღარ ავიშლი საღერღელს,
ხაქოსებრ სტრიქონს მივირთმევ,
რეჟიმი რომ არ დამერღვებს.



იუმორისა

მუზამ თუ წაიკრუტუნა,
ლაგამს ამოვდებ, ვიოკებ,
პოემა — ლექსი პუტკუნა —
სიცოცხლეს აღარ მიმოკლებს.

კრიტიკაც ველარ მერევა
(კვერცხში არ ვდებ და არც ვკაკანებ!)
სხვა ბეჭდავს! ბეჭდოს, მერე რა, —
ტპბიღეულს ტუჩს არ ვაკარებ.

მეტაფორაც ვერ აფრინდა, —
(რძეში შევწილე ის ცეტი!)
მითხარით, აბა, რად მინდა,
სხვისი რჩევა და რეცეპტი!

უკვდავებთან თამაში,
განსოვთ, რარიგად მქანცავდა?
სიტყვა ჩავაგე ქარქაშში
და შურმაც ველარ დამცადა.

ნერვებიც მყოფნის, სიმტკიცეც
(უჩვეულოც და ჩვეულოც!)
არ გამოჩნდება, ვიფიცებ,
თაროზე ჩემი „რჩეული“!

მწვერავენ ნიჭით დატბორილს,
დგება საათი პიკისა,
რისკს არ ვწევ, მაგრამ ფაქტორი
მოქმედებს მაინც რისკისა!


რა ნახავს კალმის მორყევას,
წყალ-მარილს ბევრი იკისრებს,
ღიეტურ სიცილს მომუყება,
ურუმრად გადიკისიკისებს!..

წყენას ავიქშევ, გავლაღავ,
აბა, დავკარგო დრო რაზე?!
სტუი ხელს მიწყობს, გადავალ
მეც პერსონალურ... პროზაზე!

ზაზა კაციაშვილი


გეჟან გოგია

(ქ. სამტრედიია)



— ამ შუა ქალაქში წვიმის წყალში რომ დავმხრჩვალთ, სად უნდა გამოგვეყო თავი?!

— რამ შეგაწუხათ, ბატონო?
— დავვირეკეს, ფასებს ცეცხლი უკიდიაო!



— რა დემართა მაგ ბუღას?
— ვერაა მთლად კარგად, ერთი თვეა იჭართ მუშაობს!



ორანოვანის პროზა

ჩემს ოთახში დაამყარეს
კოლომბა დიქტატურა:
ერთი „ვაშას“ იძახოდნენ,
მეორე — რუსულ „ურას“!..

ჩამეძინა... გასივებულს,
გადავხვიე ხელი ტურას,
ანუ ბალიშს... მეზმანება:
მონო...ქუდ...ლიტერ...ა...ტურა!..

ნაორაპლიზმი: საოჯახო პროზა № 1

დულს თათბირი. დიდხანს ვფიქრობთ:
სადღა უნდა დავდგათ რაგვი
ქონით, რათა დავიჭიროთ
სანოვანის მტერი — თავი?!.

მე, მეუღლე და ამხ. თავი
მდგმურები ვართ ამ სანავის,
ამ სანავის: ვისთვის — ლხინის,
ლიპისა და ნაფტალინის!..

ცოდვილი სიტყვა (ერთი ომის ისტორია)

იყო რა, ქარცი ტარაკანი და
სლავნი ეძახდნენ პრუსაკს!..
ფრიდრის მეორეს სწყინდა თავიდან,
წირავდა მხედარს, კუსაც!..



შემდეგ დაიწყო სასტიკი ომი,
ჩეხვის სასრული არ ჩანს!..
მთავარ მიზეზს კი უღვაში ლომის
შერჩა, ვით ჟღალი ფარჩა!..

აკოლოგიური სინაული

ხეზე ყვავი ზის, ძვირფასო,
ანუ მოკალათებულა;
თუმცა ახლაც ძვირად ფასობს,
გადიქცევა ოქროს ფულად!..

ყვავზე ვამბობ, თორემ ჩიტი
საზღვარს გადაფრინდა, არც ჩანს!..
ჩიტი-გურიტი-მარგალიტი
მხოლოდ სიმღერებში დარჩა!..

პროზაული ილუსტრაციები

მამონის მსახურთ ქოშით, ხან დოშით,
რადგან უჭირავთ დროშა თუ ტარი,
ალბათ პგონიათ: სამივე დროში
„ჩაანყვეს საქმე“, რომ გლიჯონ ნარი



სხვათა ხელებით!.. ცაზე კი უფალს
სხვა გზა არა აქვს, თან ექავება
ენა!.. ფიქრობენ: აკურთხა სუფრა,
ოქროც უბოძა და უკვდავებაც!..

მათ აღაზვეეს ბაკჰანალია,
ეზოპეს ენით აშენეს ხიდი!..
გზამ ჩაილურის წყალი დალია,
რწმენა აღზევანს მარილზე მიდის!..

სამჯარ გამრავლებული კაცის ცხოვრება

თეთრი ოქრო ბამბას ჰქვია,
მწვანე ოქრო — ჩაის,
შავი ოქრო — ქვანახშირს და...
იძირება, ვაი!..
ამ ოქროში, იმ ნაგავში
კაცისკაცისკაცი!..
ცხვრის ფარას კი წინ მიუძღვის
ეფენიანი ვაცი!..

დიდი, თანაც ხანგრძლივი უფულოვისადმი მიძღვნილი ლექსი (ავტორიონული)

ერთადერთი, რასაც გული
არ სჭირდება, გახლავთ წვერი —
პოეტის და აღსასრულის
ცას აშავებს — მონასტერის
გუმბათივით, მაგრამ ფორმა,
რას უშველის შემლილ დღეთა
წყებას? — წვერით ბარე ორმა
უკვე მიაშურა ლეთას!..

უფანციო მოხალის ლექსი

წყალში ცურავს ოქროს ვირი,
გზაზე მიდის კუზა თევზი,
მე მიეფრინავ — ჯიბე კენესის
თქვენგან „მოძღვნილ“ ჯამაგირით!..

უფლის შეცდომა და შედეგა

კაცს რომ სხვისი შიმშილიც კი
შემურდება, რაღა გითხრათ?!.
ფერზე ვატყობ, — ზეციერმა
მოახმარა უხვად თიხა,
მაგრამ სული დაავინწყდა, —
მიწიერი ძერწა, გრისა;
თუმცა ველარ გაუმართლა, —
აღარ გაიმეტა წრისად!..



ხატვის გაკვეთილი: ციხვი — უბოისტი

სსოვნას ჰქონდა უფლებები,
გლესს — თოხი და ცივი მჭადი,
ინტელიგენტს — უფულობა,
მუშას — „გეგმის წელიწადი“!..

ზღაპარ იყო, ზღაპარ იყო:
ურო ჭედდა, ყანას მკიდა
ნამგალი... და ციდა ციყვი
ისევ ბორბლის ცას ეკიდა!..

ლექსი, რომლითაც ცილისმანაგავალს კვლავ მივულოცავ დაბადების დღეს

მოსაპარავი რა მჭირს, თორემა
მეც მივმართავდი ამ თეორემას!..
თქვენ დაგიფართო იმავ სკორემა,
რასაც მიირთმევთ კოვზით,
ხან — ბარ-ნიჩაბით!.. თქვენი საქმეა:
რწყილს გადააქცევთ, მჯერა, აქლემად!..
ფარა არა მყავს, — რა მესარქლება,
როს ჰაერს ვყლაპავ დოზით?!

ერთი შუაქარავის შედეგი

თორმეტიდან ათი მყიდის —
დღევანდელი იუდა!..
— რატომ? — კაცუნები გახლავთ,
„დიდკაცობა“ კი უნდათ!..

გუხის მოწოდება

ჩემი ჯვარცმული, ხან უდარდელი
ერის ჭირით თუ სიზმრებით ვცხოვრობ!..
როგორც მოკვდავი „ვინმე ქართველი“,
ვამბობ: „დინგისთვის მადლობა, ღორო!“

ის წევს, ღრუტუნებს კარგა ხანია,
თან რკოს მთხოს — ვაძლევე, ხანაც —
ვეღარა!..

ოჰ, რა ძვირფასი ასატანია
ღოროს ბეგარა!..

ილუსტრაციები ჰ. ლოლასი

მონოლოგი



თბილისის ავტომატურმა ტელეფონების სადგურმა გამოჰყარ შოვის, უწერისა და სურამის სამსამი შეღავათიანი საგზური იმ განსაკუთრებით ნერვებმოშორულ აბონენტთა სამკურნალოდ, რომლებიც ყოველდღე, ძილში, სამჯერ და უფრო მეტად წამოიყვირებენ შემდეგ ფრაზებს: „ნომერი შეგეშალა, დეზილო!“ „სხვაგან მოხვდი, ჩერჩეტო!“ „არასწორად რეკავ, გოიშო!“ „ხმა ამოიღე, ნავაო!“ „თქვი რაზე, კრეტინო!“ „დამუნჯდი თუ რა? შენი ყველაფერი..“

კოოპერატივმა „სუნამომ“, გაითვალისწინა რა მდიდარი გამოცდილება კოოპერატივ „პორტენჯიხისა“ და კოოპერატივ „იასამნისა“, რომელნიც თავიანთ ფასიან ტულეტებში მომხმარებლებს რიკარდო ფოლის, შარლ აზნავურისა და მაიკლ ჯექსონის სიმღერებს ასმენინებენ, გადაწყვიტა ყოველი კაბინის წინ დადგას პორტატული ვიდეოტელევიზორი. ახლო მომავალში განზრახულია ყველა კაბინის ტელეფონიზაცია.

ეწვიეთ კოოპერატივ „სუნამოს“ ფასიან ტულეტებს! გარწმუნებთ, რომ ჩვენი მომსახურებით კმაყოფილი დარჩებით!

გუნების დაცვის საზოგადოებასთან შეიქმნა წითურ ჰიანჭველათა დაცვის ნებაყოფლობითი ქვესაზოგადოება. მისი წევრი უნდა გახდეს სრულსაკოვანი ქალი და მამაკაცი, ყველა პენსიონერი, აგრეთვე ყველა ბავშვი, დაწყებული საბავშვო ბაღის ასაკიდან. პირველი შესატანია 1 (ერთი) მანეთი, ყოველწლიური აუცილებელი შესატანი — 50 (ორმოცდაათი) კაპიკი. ქვესაზოგადოების წევრს უფლება აქვს, აქტიურად იმონაწილეოს წითურ ჰიანჭველათა დაცვის ერთდღიურში, ერთკვირულში, ერთთვიურში, ერთკვარტალურში, ერთწლიურსა და ერთათწლიურში!

ნუგზარ აფხაზავა

რაც ეს გარდაქმნა დაიწყო, კაცთა კაცთ უწყვეს ღრენა, ზოგი პირუტყვსაც კი ბაძავს, არის შეხლა და რქენა!.. ბევრს აერია გონება, ზოგმა დაკარგა რწმენა, ზოგი ტაობში ჩაეფლო, ზოგმა პასკვილი წერა!.. არის თათხვა და ძაგება, გვიტევს შურ-ღვარძლის ტალღა, ლამის ზეცაც კი შეიძრეს, მინა მოექცეს მალღა!.. ნიჰილისტი კი იცინის, დგას და უყურებს სეირს, ფიქრობს და ვერ გაუგია, ვინ უფრო იშკის ხეირს — დემაგოგი თუ ნამდვილი მხარის დამჭერი გარდაქმნის! მედროვეც ნელში გასწორდა, ჟამი დაუდგა ლაქლაქის. მე ამერია დაეთარი, აზრი, ჭკუა და გონება, ველარ გაიგებ, ვის რა სურს, ხვალ-ზეგ რა მოენონება. ვინც ჩირგვში იჯდა ამ დღემდის, ახლა რაინდობს, ფხიანობს, და ვინც არაფერს არა ქმნის, ყველაზე მეტად ხშიანობს. ბრძოლა გაჩაღდა მკვედრებთანაც, მამას არ ინდობს შვილი, გვამიც ააგდო მისი და მთელს ერს მიადგა ჩრდილი!.. ეს რა დრო დადგა, რა ჟამი, გაუფერულდა ღხენა, მიწაზე ყოფნა არა ღირს, ნეტავ შემეძლოს ფრენა!


ამ წუნუნ-მოთქმას გარდაქმნა აინუნშიაც არ აგდებს, ვითარც დევგმირი უდრეკი, ლაღად იკაფავს ახალ გზებს, ძღვევამოსილი დღეგრძელობს, ადიდებს თავის მასშტაბებს, მოდუნების და რუტინის უღმობღად ამსხვრევს არტახებს!

შალვა გულუა

ნახ. ბ. ზუზაშვილისა



უსიტყვოდ



— როდიდან დაიწყე ასე სუფთად სიარული?
— იმ დღიდან, რაც იჯარაზე გადამიყვანეს!

ტვიშველი!

1965 წლამდე, სანამ გალის ვარდნილპეის მშენებლობა დაიწყებოდა, ჩვენს სოფელში 2300 კომლი ცხოვრობდა. შემდგომში კი სოფელი დაიტბორა და ორად გაიყო. 2000-ზე მეტი კომლი რაიონის სხვადასხვა რეგიონებში გადასახლდა. დანარჩენმა სამასმა კომლმა ვერ მიატოვა მშობლიური ადგილები და, თუმცა აუტანელი საყოფაცხოვრებო პირობები აქვს, მედგრად იტანს შექმნილ სიძნელეებს: ბედის ანაბარად მიტოვებულ მოსახლეობას არ გააჩნია კლუბი, სკოლა და სხვა აუცილებელი დაწესებულებანი!.. თუ მანამდე რაიონის ცენტრამდე სოფლიდან სამი კილომეტრი იყო, ტერიტორიის დატბორვის შემდეგ გზა რვა კილომეტრამდე დაგრძელდა, ე. ი. ხუთი კილომეტრით გაიზარდა!.. მანძილის მომატება არ შეგვანუხებდა, რომ გზის შეკეთება-კეთილმოწყობაზე ვინმეს ეზრუნა!..

ადრე, სანამ „ენგურპეის“ ჩვენს ტერიტორიაზე მუშაობას დაიწყებდა, ყველაფერი გვექონდა: სკოლა, კლუბი, ტელეფონიცა და რადიოც!.. ახლა კი...

იცოცხლეთ, „ენგურპეის“ ხელმძღვანელობამ დაპირებით აგვავსო — ამასაც გაგიკეთებთ, იმასაც, თქვენს სოფელს ბალნარად გადავაქცევთო, მაგრამ დაპირება დაპირებად დარჩა, საქმის სასარ-

გებლოდ კი თითქმის არავის გაუტოკებია!..
სამაგიეროდ „ენგურპეის“ მესვეური ზემო რეჩხიდან გალამდე ასფალტ-ბეტონის გზას აკეთებენ! არა, ჩვენ იმის წინააღმდეგი როდი ვართ, რაიონში სასიკეთო რამ გაკეთდეს, მაგრამ ჰესმა, პირველ ყოვლისა, ჩვენ დაგვრია ხელი, როგორც იტყვიან, წყალში გადაგვყარა და პირველ რიგში მისი მიზეზით წამოჭრილი ჩვენი პრობლემები უნდა მოეგვარებინა, თორემ რა გამოდის — ისედაც მცირერიცხოვან სოფელს სასტიკი მიგრაციის საფრთხე ემუქრება!.. არადა, შემყურე სოფლელებს გული შეგვტკივა, არ გვინდა ჩვენი კერები ჩაიფერფლოს და ჩაქრეს!..

მიმდინარე წლის მარტში ჩვენთვის იმედის შუქურასავით გაიელვა საქართველოს მინისტრთა საბჭოს დადგენილებამ გალის აგროსამრეწველო-სამშენებლო ჯაერთიანება „ცხირის“ დაარსების შესახებ და ძალიან გაგვახარა, რომ ჩვენი კოლმეურნეობა ამ ფირმას შეუერთეს!

ღმერთი ააშენებს „ცხირის“ მმართველს — რუდიკ ცატავას, რომელიც მაშინვე შეუდგა სოფლის საკეთილდღეო საქმიანობაზე ზრუნვას. პირველი, რაც ფირმა „ცხირმა“ გააკეთა ჩვენთვის, ეს გახლდათ გზის იმ კონდიციამდე შეკე-

თება, რომ ავტომანქანების მიმოსვლა ალსდგა. თუმცა დროებით, მაგრამ მაინც ალსდგა! ცხადია, ეს დიდებული ამბავია და მადლობის მეტი რა გვეთქმის, მაგრამ ეს საქმეს ვერ შველის! — საცა არ გვითესავს, იქ ვერ მოვიმკით! — ფირმა „ცხირს“ ვერ მოვთხოვთ ერთბაშად გადაჭრას ყველა ჩვენი პრობლემა! ეს პრობლემები კი, სოფლის სოციალურ-ეკონომიური განვითარების გენერალური გეგმის თანახმად, რომელიც საქართველოს სსრ მინისტრთა საბჭოს, გალის რაიონის ხელმძღვანელობისა და „ენგურპეის“ ადმინისტრაციის ერთობლივი შეთანხმების საფუძველზე შედგა, ამ უკანასკნელს უნდა მოეგვარებინა.

ვიმეორებთ — დაპირება დაპირებად დარჩა და ჩვენთვის დღემდე ვერავინ მოიცალა!..

მოვითხოვთ, „ენგურპეის“ კასკადის დირექციამ გაილოს საჭირო თანხა ყოველივე იმის აღსადგენად, რაც გვექონდა და მისი მიზეზით დაკარგეთ!

საჭირო ობიექტების მშენებლობის განხორციელებას კი ფირმა „ცხირი“ გვპირდება.

გალის რაიონის სოფელ ცხირის მცხოვრებთა დავლებით — ნოდარ ხუნდაძე.



ნ. ა. ბ. ლაშვილისა

საბრძოლო **„მკადონელი“**
გურნალი - ნაკადი № 18
(1796) ტექნიკური გამომცემ-
ვის 1923 წლის ივნისიდან.

**მთავარი რედაქტორი
ზაურ ვოლჟინი**

მარედაქციო კოლეგია:

ავთანდილ ადგიშვილი
(მასუბისპეგბელი მდივანი),
ვახუა ამირეჯიბი, ნოზაძე
ბართია, ზორის გურგუ-
ლია, რევაზ თვარაძე, ჭე-
ჩელ ლოლუა (მხატვარ-რე-
დაქტორი). ნოდარ მლა-
შონია, ალექსანდრე სამ-
სონია, ზეგან სიხარულიძე
(მთავარი რედაქტორის მო-
ადგულე), ჯანსუღ ჩარკვია-
ნი, თამაზ წიგწიაძე, ნა-
ფე ჯუსიოთი.

ტექნიკური რედაქტორი
ირაკლი დუნდუა

გადაეცა ასაწყობად
21. 08. 89 წ. ხელმოწერი-
ლი დასაბეჭდად 20. 09.
89 წ. ქალაქის ზომა
60x90/16, ფიზიკური ნახე-
ვიდი ფურცელი 1,5. სად-
რისცხო-საგამომცემლო თა-
მაში 1,9. საქართველოს კ-
ცე-ის გამოცემ მ ლ ო ბ ა,
ლენინის 14. შეკვ. № 1865
უე 04706. ტირაჟი 130100.
გურნალი გამოდის თვეში
ორჯერ. რედაქციაში შემო-
სული მასალები ავტორებს
არ უბრუნდებათ.

ჩვენი მისამართი: 380008.
თბილისი-8, რუსთაველის
პროსპექტი № 42.

ტელეფონები: მთავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარ-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაკების — 99-02-38,
მდივან-მემანქანის —
99-76-69.

Сатирико-юмористиче-
ский журнал «НИАН-
ГИ» (На грузинском
языке). Тбилиси, пр. Ру-
ставели № 42. Издаель-
ство ЦК КП Грузии,
ордена Трудового Крас-
ного Знамени типогра-
фия издательства ЦК
КП Грузии, Тбилиси,
улица Ленина № 14.

ფასი 30 კპ.
ინდექსი 76187

КОНТРОЛЬНАЯ
ЭКЗЕМПЛЯРЫ
— ჩვენი, პური — თქვენი!